

𠄎 𠄎

𠄎 𠄎

𠄎 𠄎

𠄎 𠄎

𠄎

十

四

𠄎

蓬溪縣續志第九

耆舊

里有可封之俗庭有刑措之治臻於斯者道將何由盛德之化流行儒者又修明之以陶淑其鄉里聞彥方風薰沆宗德千載而下猶或神馳况于衡宇相望徽猷日近哉縣境居蜀東垠文翁相如之教流風未泯居于斯者依仁據德磊砢英多雖物則之秉彝亦先正之提倡也采其制行之表表者登諸志乘以續前篇

蘇兩之不詳其生平射洪碩儒楊槐菴稱嘗與之行士相見禮意必學古人之學者也

鍾祥麟字玉書號檉菴石板灘人性和粹孝友著聞師事張昌澤潛心理窟弗營名利晚益味道自娛絕迹城市者三十餘年讀書之暇隨性所適或吟或釣或杖策以游若無物足以嬰其胷者遇寒餒輒周之以爲常卒年七十有八子瑞廷

鍾瑞廷字微垣咸豐九年舉人研精理學有得輒筆之于冊存以自驗學尤邃于易著易學深源易象顯微學人要語等書及龍溪詩草其致力以理爲主而兼及象數思洛書南金西火易位之故久乃悟其以克爲生著論明之載探源中其要語明體達用類大學中庸義疏其詩繫心當

世不沾沾于吟風弄月學行已載蜀中正學篇世稱微垣先生卒年八十前知縣宋家蒸表其墓瑞廷多隱德少嘗拒奔女耄年乃舉以訓子孫其他懿美不勝書蓋其制行不愧純儒非徒一鄉之善士而已

張秉謙號虛船歲貢生居西鄉河邊場之河上溝祖遠廷見忠義篇父以讓田致匱乏秉謙性孝友修脯所入養親之餘悉以分昆弟尤尚義同學劉口貸其金貧無以償又厚助之學以敬爲主居處必莊教人必律以誠喜錄先儒格言分摺遺人憫俗之淫辟諄以爲誠所錄格言于戒淫尤多主講蓬山書院從游士經其訓誨皆方嚴自守多所

成就及卒牛雪樵爲傳刻聞善錄中

王自仁字克之縣學生前明孝子庭之裔早孤事母能得其歡心二十耽史學四十得宋儒書有悟銳意正學功日密德日劭剛正敦氣節重然諾爲鄉里所敬憚絕意進取以成說後學爲務其戒及門謂學莫先於嚴取舍取舍辨則生死之關定嘗欺人心爲利所錮以爲大戚欲掃除之前知縣蔣若采碩儒而爲循吏者也與自仁游稱爲偉人及卒銘其墓

聶金魁字涵三西鄉人師事鍾瑞廷以聖賢自勵家貧課徒嘗謂蒙養爲作聖之功惜爲師者不先端本而以文字

章句爲務輯塾師覺後篇敦本詩辭以正之教人以小學
爲範門下多成德科名亦蔚起平居孝友方嚴束修自給
外輒以周人從女嫠而貧弗能自贍金魁力資之卒完其
守族孫公未娶卒聘妻皮氏聞翁姑老病而貧誓歸養金
魁爲之倡捐萬錢奔走勸募不下千里得金百餘托人經
紀俾具取贏供菽水以成其節其他義舉尤多晚家居窘
甚然其心晏如也卒年八十一

右儒先

事親之道竭力而已矣如曰力已竭矣將如何是不孝者
之遁言也夫力不能自致致之者惟心心苟無窮則力與
之爲無窮窮鬼神將助之茲所以有截肝屠腸而不害者

與嗚呼此誠之至也不可強也強者吾未見其不害焉聖人所爲不以教人與然曰能竭其力竭而謂之能夫固望其求諸心也是良能也蓬溪之民以孝聞者衆而割肝與臂以濟其親于沈痾者常不乏人世或閔其愚君子嘉其竭心于孝有合于記之所謂能焉後之人勿慕其迹而師其心可也

孫盛堂幼自南昌隨父質遷于縣之河邊場以居父卒哀戚獨至母喪明事之彌謹及壯不娶曰吾恐妨吾養也嘉慶五年白蓮教匪張子聰衆促至居民獸散母促之行孝子曰母在兒焉逃纍然負母匿場外二里河上溝林箐中

欲遠徙爲賊所得脅令舍母從不可遂刃其母孝子哭且罵飛手擊賊賊又殺之亂平族人葬其母孝子附焉卽當日遇害處奉新閔荷生爲之傳

蕭炳林號玉溪縣學生父忠盛出爲叔忠和嗣道光六年忠相妻王氏疾病醫藥不效炳林禱於天請減算益親割肱肉和美進之卽愈及居喪哀毀骨立事忠和繼妻不改其孝忠和所生子敦信或被撻炳林涕泣勸解數請代受笞敦信感化卒爲善炳林授徒以孝弟爲教臨沒啟手示孫及從子始知割肱之事年七十有一

朱暉吉字靖堂河邊場禾稼井人父文壇見前志暉吉年

十六以父疾危血疏請減年以益父父尋愈既而母疾割股療之肄業成都聞母病遄歸日夜侍稍閒命歸寢佯諾而潛伺之母起旋頓仆急前持母乃知歎爲誠孝兄染惡疾妻子猶避暉吉常扶持曰同死何害兄一子病禱以已子代無何竟如言暉吉學高行粹厯掌蓬山象山兩書院多士從者如雲所得束修與兄子共之以歲貢注選教職練團有勞署昭化訓導學中陋弊盡革之年近八十乃卒楊光泰西鄉河邊場板倉滿農人性樸誠母李疾危甚道光二十一年十一月朔割股以進而瘳服勤至死不御滯肉者三年子昌成亦以孝友聞

雷大學西鄉雷家壩農人誠于事親父寢疾久益甚大學憂之禱于遂甯之廣德佛寺出見道人詰之告以誠予之藥一刀圭曰引以熊肝可療也大學念無由得熊人肝宜可代既歸引刀剖左脅脅裂肝見割拇許和藥進父食訖而寢時道光二十四年三月初十夜也比明父疾若失大學竟不藥而瘳縣表其門一時多咏之者

榮忠書常樂場人年十四父遠出而祖遵疾經時不愈思羹時方雩不可得肉忠書割左臂肉羹而奉之禱天請減算一紀以遺祖俄而瘳事在道光三十年

蔣鴻春字蘭亭廩膳生居蓬南場性篤孝友母疾危鴻春

禱天請身代割左股肉啗之尋愈聘妻貌不揚親欲別圖
鴻春不可乃結禱設館授徒諄諄以盡倫爲誨得修脯必
分以遺弟

胡經五居常樂場母疾危經五焚香禱于階下無夕不然
雖風雨不避也割股肉和藥進不驗再禱而割卒療之經
五年至八十餘終

廖端品西鄉人早孤依叔父叔父寢疾殆端品袖刃登奎
星閣割膺肉和藥進而瘥晚僑居太和鎮年幾七十矣健
甚始學爲楷書鎮人重之胡文魁爲作小引醵錢資飭粥
馬牛樹梅載其行于聞善錄

唐代俊西鄉人嘗割股療親疾後享年八十四

蒲含鼎字如九居蓬南場事母孝終身孺慕食息必躬奉
不以諉人母疾篤割臂肉飲之而愈與弟含績含毓友愛
晚年相親如孩提仗義而行常墊資解人紛爭而不令之
知既失儷鰥居餘二十年課徒不計修脯時以先正嘉言
懿行爲弟子勗鄉里推正人卒年六十有九

康厯端號文軒西鄉人性篤孝母譚氏患心氣痛甚劇藥
至咽如刀刺勢不可療厯端時館安岳得訊急馳歸疾已
危乃祝天割股和藥進之母疾療而加健耄乃終

彭德馨德緒西鄉河邊場河上溝之佃農旦輒詣親舍問

安視膳而退兄弟羣從必肅揖乃食同治八年春父祖萬
寢疾甚殆年八十矣忽不措杖而眺于野鄰皆異之久乃
知德馨德緒同夕刲股肉投藥中兩不相謀也又五年父
乃卒

楊永柏居河邊場之少懷井性樸而事親誠母何氏寢疾
割臂肉食之而愈

王占鰲縣學武生以父國楨久疾割股進之尋愈

胡永靜常割肝療母疾後因嫂病念曾有乳哺之勞亦割
股食之

李承彥槐花場小貿人也父光煜得疾癱瘓五年不愈光

緒三年七月初十日思食肝購之不得承彥自剖脇割肝
供父食後腸露昏臥其妻任氏始知延醫糝藥父子皆痊
唐富魁吉星場人母陳氏久疾不愈光緒三年七月疾瀕
危富魁割胷前肉和羹進母啜之而瘳

義榮慶亦吉星場人嘗割股瘳母疾

唐長祜河上溝人光緒初父慶林疾危割股和藥進尋愈
李懷恩文井場人事母孝兄懷朝懷林俱外傭惟懷恩奉
母母岳氏疾久思肝懷恩貧不能致乃自割左脇取片肝
調羹以進母疾遂瘳團鄰後聞知言于知縣高維嶽驗之

信

章寶珊自合州來縣質遂家焉母性嚴稍不懌寶珊常跪請受責年五十猶然母頻疾殆割股肉食之而痊者再

唐遠泰性至孝光緒五年三月二十三日父疾危割肝和藥以進三日瘥遠泰居大石橋後有黃光輝張登建居皆近

何萬欽亦大石橋人母汪氏臥疾六年不愈萬欽窮于療是月自割左臂肉煎湯以進越宿遂瘳萬欽諱之久乃有知者

楊盛梁光緒八年以母林氏疾病與妻石氏同割臂煎湯進而瘳

周常書河邊場木工事親奉養不怠父澤合寢疾歷半年常書于光緒十四年十一月十二日晨起禱于竈請以肝愈親疾剖脅肝露割烹以進父食而甘之頓瘳

黃光輝吉祥寺米家灣人年十七以父紹華疾亟藥不能療潛執刀赴宅右渠畔自剖脅割肝烹以進卽瘳割創亦尋合光緒十九年二月十六日也知縣何作照驗明嘉禮之總督四川劉榜其門曰純孝可風獎以八品銜明年又有張登建之事

張登建吉祥寺鞍子溝人事親孝母姜氏嬰疾積年不愈十一月二十六日登建夜進湯母食已而疾若失久之乃

知兒肝之煎也知縣蔣傳燮驗賚之憲院劉榜以誠孝格
天獎銜視光輝

鞏崇德居城西近郊母陳氏寢疾久崇德自傷無力致醫
藥二十一年之元夜潛取鬚刀立寢室祖主前解襟剗右
乳下取片肉烹奉母而疾頓瘳知縣蔡承雲蒞官聞其事
訪之鄰信乃致而驗之膈右刀迹宛然也厚賚之遣鼓吹
導之歸

王文陞割肝療嫁母疾事在二十三年

采紀縣之孝行前後七十年間而得割肝療親疾者九割
膺者三割臂者十有餘人懿乎何居近而事同者之多也

其觀感而化與神又相之俾疾者痊而割者亦無苦則尤異焉福善禍淫之理有時而不可知可知者恆也無足異也衆人疑焉君子信之矣雖然以是爲俗其可乎哉若皆效之吾恐或有餌之不必瘳而又不幸以重其親之憂而增之疾者服勞奉養不竭其誠而諉諸他日姑耐一割以斬至美之名者流極之餘將致歉于賢者之過中焉若夫造次無違勤勞不懈不必驚愚駭俗而能使天倫之愛油然而有動于人心以視若人甯但不愧之而已哉

廖明貴居蓬萊鎮之南寺溝母患足疾不能興明貴奉之能曲盡其力家居南泉寺值賽會演劇輒負往游觀以爲

常一日母在室而鄰不戒于火明貴自外歸烈燄已封其門蹈而入負母而出俱得免念母櫬且煨呼天而慟火爲之衰晚歲游射洪金華山卽留居卒葬其側

李光潤光卯居鑼鍋場母目瞽而足病迭傭迭奉左右櫛任之濯任之便溺任之澣衣裳必潔供甘旨無乏時負以游嬉起居未嘗離厯數十年無懈或勸之娶咸曰力不勝也有以俯畜將無以仰事奈何母年八十二乃終未幾光潤卒毀也

郭永陶幼讀孟子至不得乎親不可以爲人不順乎親不可以爲子未嘗不流連往復也故生平留心色養家不及

中人然珍品異饑爲親所思者雖聞二里靡不致親喜聚
親朋以爲歡永陶常先意致之拮据具銷核未嘗使知親
安其養以爲盛于鐘鼎也

賀鳳福石板灘乞人也父早卒母羸多疾有兄業屨弟爲
傭僅自給不能養親鳳福拙而情不事生產乃行乞早出
晚歸得食不敢先必奉母而自啜其餘得錢輒市母所欲
以進多則弄爲衣履資其母雖貧終其身無凍餒虞者乞
子力也母時不樂必多方爲之娛舞歌笑嘯作孺子狀得
其歡乃已母沒哭泣盡哀殮及葬皆乞而辦蓋鄉之人無
不習知鳳福之孝其至人家婦孺皆識其聲必曰此賀嬾

王也宜亟與之類王以其情名之也今沒已二十年鄉父老猶時時道之以爲子弟勗

段尙懋字昭德幼患氣疾痛極而呻親至輒強忍以慰之讀朱子家禮能體行溫清定省委曲周至父汝陞病腸風危甚醫言察糞可以知吉凶尙懋日審視不忘若忘其穢不解帶而侍日夜泣禱糞以身代已而父愈以母羅氏畏風每風輒瓣香泣禱性雖毅在親前則柔色婉容若怯懦者嚴於取與一介不輕受身緼袍蔬食而重資市澆茸珍藥以奉親未嘗乏族戚子弟多化之

黃殿邦字貞弼蓬萊鎮人縣學武生也母病癱食息盥沐

皆需人殿邦躬服勞污穢淋漓未嘗假手婢媪能先意承志母或不樂必曲意娛之母爲之慰如是幾三十年殿邦若忘其勞母若忘其苦事異母兄友愛特至平居言行端謹族戚無行者率畏憚之委辦團練津捐明白無私里中疑難之爭每待其一言而決晚年從事心性之學德日劬沒年七十有三

文明德蓬南場人事孀母孝晨昏定省必虔母患癰服食起居皆需人明德躬任勞雖甚瑣細必周未嘗諉于婦厯十餘年無倦母雖病而心慰焉及居喪哀慕尤至

周德軒明月場人母多疾晝夜扶持靡怠咸豐十年以父

疾病焚血疏籲天請減算遺親父尋愈後至耄期其當父母在疚常夕禱階下淚漬袂居喪廬墓迄于除

朱學魁字一川河邊場陰陽溝人性至孝依依孺慕年五十八由歲貢選授內江教官以事親辭繼選樂山又辭奉親事畢乃以乾隆六十年赴慶府訓導之任年七十有二矣教官送試士受其儀多爭較取贏學魁未嘗措意有投以券而約緩致者必諾之退乃焚其券訓士有方諸生親愛如父兄嘉慶三年致仕歸士競挽留不獲知縣石畏天作序送之

李才致槐花場人性篤孝友樂利濟幼在塾忽心動亟走

歸呼母母携兒出而屋後岩驟圯人以爲至孝所感云父
奇學寢疾數年事之如一日分居後兄弟皆貧才致迎與
同居生平于建義塾籌養濟營橋路輒力贊成之官以樂
善可風旌其閭及卒蔣若采誌其墓

陳德修號礪堂西鄉歲貢生性勤儉廉慎不干外事家雖
富自奉甚約孝友端嚴學崇實踐其誨子弟門人恆以治
生爲急殆佩服許魯齋而能明農者

倫理之盡其推而致之與經有言父父子子兄兄弟弟夫
夫婦婦之數者有次第而無偏置焉皆正家之要也蓬溪
積數萬家以爲縣誠能胥有家者而皆底于正其于到治

豈遠乎哉故采友兄悌弟義夫之行以與孝子並傳

郭盛鳳西鄉人能投石命中于百步外嘉慶五年戰教匪于蓬萊鎮之多口岩有成勞後與兄盛聯盛品盛元盛榜盛龍從軍陝西諸兄戰死盛鳳切敵愾殲仇之心乃探悉賊中號識變服懷刃夜入其巢斬賊數十並馘渠魁回致于帥敘職千總當是時驍名騰于部曲旋以乞養歸嘉慶八年經略檄調効用知之者或勸或阻盛鳳歎曰諸兄皆死忠我可不全孝乎遂辭不赴終于家葬中江永豐場子姓隨居焉

汪文藻字鑑堂縣宿儒也性純篤兄弟五人同居三十餘

年內外雍睦無詬誶聲贍族鄰濟困危力行不怠躬自課耕而立家塾遠延良師以教子孫及親族之貧者卒年七十有三知縣徐楊文保表其墓

周仁貴字奉先號海雲弟仁杰仁溥河邊場梓潼溝人仁貴縣學生能詩工繪事樂延後進于賀財澹如也雖分居屢以束修代兩弟給佃租不以異母歧視晚歲失明仁杰仁溥迎養之農事雖殷日必再三欸語以爲兄歡兩弟婦陳氏亦賢淑惟恐兄公之不適也數年如一日及卒厚葬焉議者交賢之

楊家謨縣學生居西鄉女兄適人而貧贍之終身興設文

會以勵學者蓬萊鎮斗市多取息米爲民累家謨請于縣使計斗酬錢咸便之

湯朝清字履潔性誠篤讀書不求聞達四世數十口同居和藹相親無間言歲值饑輒募資倡糶縣中建修文廟奎閣及旌節坊並鐵心跨虹橋解囊弗吝又力董其工以急公好義見稱鄉里

蔣道有居河邊場之八里溝兄道明耽治游破資產道有泣諫不悛毅然與兄折產而居其後道明資盡積債不能償道有出資代償之毀析券而同居士林稱之

嚴思珍居河邊場之鐵鈇灣以能贍女兒及甥見稱

楊國章號峩峩居西鄉善事父母父愛季子國章常曲慰之歲得分租錢六十千悉以貽弟妻孥胥安之人或尤之國章曰分則皆不贍可不厚弟以慰吾親乎吾訓讀自給固未乏也

定例妻早故守義鰥居至于沒齒者得與孝弟之行同荷旌表所以教民篤彝倫者至周也蓬溪以守義著者蒲含鼎已見前

徐德崇生于乾隆二十一年年二十一娶汪氏有子閱五年汪卒德崇遂不娶其事親孝行純篤待昆弟友愛分多益寡怡怡如也教匪之變野多暴骸德崇拾而棺葬之守

義四十年以道光元年卒

黃伯周年二十八妻胥氏沒有子二女一遂不再娶事親以孝稱兄伯璋早卒遺二子三女伯周撫育教成之手自携持室無婢媪端居嚴謹老而益莊卒年七十六

張承志王國龍陳永瑛陳德壽咸以妻沒守義稱采訪者遺其年及行

大憝之平近四十年矣吾民敘彝倫安耕鑿若固有之而亦思跼蹐橫行亂離斯瘼有竭力致命以貽此無疆之床者乎殺身成仁逃乎尙矣由今追昔名氏已不盡存夫胥蜚明禋肅然來格固不恃紀錄而後存也然義人裏革之

場烈士歸元之地徘徊憑弔猶足歛歛矧青簡昭垂英靈
如在乎詳考而備志之無俾尙論者有遺憾焉前志所遺
者錄于篇首

蒲澤字潤之前明崇禎中任廣元千總獻賊之亂澤傾家
資招義勇以保境賊圍廣元七晝夜堅守得全賊乃遁澤
進守備及獻賊平卽謝病去蓋不悖所事者也曾孫英舉
于鄉

劉啟和明季歲貢生居玉峯場西蝦蟆溝飛蚨山下家貧
授徒善誘不倦介節毅然不苟取與獻賊擾境啟和率家
人十三口投宅畔井死之

張遠廷河邊場人授經且工醫嘉慶五年三月二十二日賊張子聰擾境遠廷率子女里鄰將避于樂至猝遇賊于觀風橋賊曰讀書人也盍從我擁之行遠廷忿詈之遂遇害餘人皆被擄明日賊遁得脫乃殮葬之孫秉謙別見

仲純儒常樂場人少積學尚氣節師友咸以大器許之嘉慶五年純儒負書避賊與賊遇掠使同行純儒厲聲曰吾讀書士子豈與犬羊伍哉賊愛其魁梧不欲死之而促之行卒不屈遇害時年十九縣處士朱雲谷有文贊之

楊恆旺字尚雲中鄉人爲賊冉天元所擄挾至鹽亭金孔場不從亂被害時嘉慶五年二月朔日也

王家純蓬南場人道光十五年年二十一投効川北右營
十七年從征攻克三溪十九年勦蠻寇於越雋二十年于
廣東明年以奮勇出力得獎藍翎明年勦賊江陵歷擢廣
元及鎮標右營外委巡城把總順慶及省標守備咸豐二
年進征賊于江甯相持五載六年被賊圍力戰衝突隕身
于陣子世保得雲騎尉世職

王家昭一名掄元家純弟與家純俱戰死江甯下

魏進義東鄉人少明大義敦孝友咸豐十年投筆從戎殉
難于漢中

林書釗任貴州古州照磨死事

楊喜元大堰場人咸豐十年率團勇禦賊于遂甯黃龍寨
下賊大股突至眾潰喜元殿遇害按咸豐中死事而以同
治九年入祀昭忠祠者張鑑唐子朝梁世友周見起陳廷
春陳一璵李代官李代美何鴻善陳啟才僧道萬王永釗
王本康楊玉瓏胥天均宋心邦何元有廖正清劉占彪青
玉隆謝文義宋興貴王玉堂陳祚珍陳玉堂王祖謨陳慶
元敬德欽陳太然陳朝萬楊張臣蔣三元尹祥來蒲含欽
任炳忠及喜元凡三十六人今訪而知死事未祀者又有
代官之子傳棟及李賢育熊仁興韓興智其死事之迹各
據所得錄之以時爲次

賢育仁興從李純青過桂花園之津賊舟溯涪上二子躍而登賢育鬪死舟中仁興顛于涪時十一年二月初三日也

鑑守如意寨亦以是日力戰死寨下

子朝世友守玉屏寨初八日戰死會峯寺

炳忠南充人性忠勇武藝絕倫在縣率鄉勇護城藍逆久圍遂甯不拔舍而趨蓬初九日炳忠率勇三百禦于八仙橋自搏戰殺賊數人手刀柄忽折死于陳

見起廷春皆護城勇丁從炳忠力戰死

一典代官代美鴻善啟才道萬守蓬萊鎮三寶寨聞以三

月初三日戰死或謂非實又聞一璵等皆元音寺人代美
代官弟也初六日賊彭〇踞蓬萊鎮丞屠天培檄諸寨會
勦而代官子傳棟與一璵先以寨人百餘往代官代美胥
與焉至文峯寨之山坳遇賊數十人傳棟擊敗之奪其大
旂追至青師巖逼賊營賊大出寨人奔七人者被圍死鬪
賊多夷鴻善啟才道萬先死傳棟欲救父季父出故不自
脫代官代美死傳棟一璵猶力鬪復殺賊數人一璵仆賊
支解之傳棟刀折躍巖下奪得賊刀突圍出賊不追遂以
是日移踞白馬場也天培請給傳棟六品階而爲六人者
樹豐碑焉後年餘傳棟傷發死鄉人爲設位于繼勇德公

之祠

永釗守明月場之永安寨四月初八日賊至禦擊中炮死
本康玉瓏天均心邦元有正清占彪玉隆文義興貴二玉
堂祖謨祚珍皆護城勇丁初十日禦賊姚家坪戰死

慶元德欽太然朝萬張臣三元祥來五月十四日禦賊合
州萬古場戰死

含欽精扶擊賊之始構亂也遠近練民團保境輒延教之
賊朱么由定遠敗竄二郎場含欽率團堵禦于皂角埡五
月十五日黎明賊卒至眾惶而潰含欽殿至南充之楊家
寺埡口爲賊所圍含欽奮兵力戰手誅二賊賊奮刀亂斫

卒以獨力不能支遂死之人咸哀惜先祀於南充昭忠祠
興智二郎場練丁從含欽堵賊皂角壩賊至抽戈而戰傷
賊二人被圍力鬪死

諸子皆布衣窮居無位之士所謂衆人者也猝遇賊虐冒
鋒鏑而不顧就刀鋸而不辭夫蘇代徇燕臨淄滅白圭走
魏中山取衛鞅詐讓西河割黥布趨趙彭城哀若而人非
曷所謂國士哉以彼律茲何其戾也嗚呼又非爲衆人也
不爲義疚吾于傭僕猶及聞之

趙興萬西鄉人傭于楊姓嘉慶五年教匪王三槐猝至楊
惟孤兒寡婦避難之謀獨傭是賴而興萬之母又疾癱不

能行女弟二皆幼父促興萬速自遠害勿俱死興萬不忍也兩地負荷卒皆置諸安全而不勝其勞遂以瘀血攻心死年三十二聞其事者識與不識皆爲流涕

黃心榮居集鳳場黃家溝戇而勤年十八傭于蔣光明光明以罪流湖北心榮趨事不離艱難瑣尾未嘗稍息數爲齋書于家返則服役如常十餘年光明卒心榮衰絰歸報往乞柩不得又竊扶以歸事蔣三世卒年八十三家無餘財

昔季路有言食焉不避其難茲傭與僕庶無愧焉余又聞縣民蔣子漢等之避賊小觀音橋而見殺于任開環開月

也不解縛而瘞之其畜狗一班一鰲迭食迭守之店主憐而飼之店主者其姓名曰劉昌言嘗蹠救蔣子漢等不能得其鄰蔣么乃馳報鍾瑞廷以救免十有二人者也賊旣平子漢里人王正位鄧維常訟子漢等于三臺不得直訟于分巡道及總督得委勘啟其埋皆未腐而縛如故環月以賂免方其坐獄而未驗也犬一守塚一隨訟者升于縣庭鳴泣嗚嗚及驗而復瘞皆不食死

聞與達其信不同與一鄉之愿足以致聲譽于將來而言行必期諸道之君子或反淹沒而不傳古今大抵然也蓬溪民獻有林際松焉賢如蔣若采猶謂對之而慙意其有

道之士乎而素行何不多聞也閤然曰章之說非與則其
他潛德之儒吾渠能盡知也哉輯耆舊之懿行不能無遺
吾滋歎耳則聃非同傳又何論焉

陳鴻翥字羽儀號達亭嘉慶七年任什邡教官調署夾江
珙縣教官振德行于庠序資單寒以膏火裁成爲多晚致
仕歸喜印文昌孝經圖註以贈人工書遺跡今有存其裔
居隆盛場之石鵠堰

陳兆國字用賓高坪鎮人孝友廉潔澹于進取以名宿教
授鄉閭先德性後文藝遠近來學常數百人高坪鎮士稱
爲文教所由開平生論著極多避亂轎頂山毀無存兆國

與過軍壩余崇年皆經師人師一方之望也

梁世師字心齋高坪鎮人孝友篤行廉介不苟而好施予鄉里待以舉火常數十家座右置唐穀水人生必讀書凡事皆取以爲則行功過格二十餘年不懈

劉慎號敬亭縣學生居西鄉以經授徒每誦說及于天倫之際未嘗不嗚咽流涕也弟子稱其孝友勤學約以周物楊之大字南坡中鄉人十三入縣庠其處家孝以睦講學四十餘年不慕名利不苟取與鄉里稱其耿介端方三代之直卒年八十有四

蕭德成字性齋歲貢生居西鄉讀書勵實踐言行一出于

誠與鍾瑞廷友善往來講學數十年晚益精進多心得鄉黨有大休咎輒預知殆積誠而明者年七十終學者稱性齋先生

蒲煦字剛凡大石橋人言行不苟士林稱其德望開塾授徒以篤行爲教成就者衆煦恩貢子均庠生孫預麟進士林際松字茂坪授徒嶽廟餘五十年其教嚴肅陶鎔有方未嘗計修脯游其門者皆循循有禮知縣蔣若采求端士爲切磋資諮于縣人僉以際松告遂與游嘗贈以詩序稱其食貧如飴又謂風格翩翩如雲中鶴對之輒自慙際松之樂道若采之好賢皆世所不數覲也

王袞字補之性高潔隱于醫讀書不屑章句工爲詩有所製人競傳誦知縣張其仁重其德知其貧時餽遺之袞以名紙答謝而已積八年去官袞送之以詩有云屢蒙說項憐寒士從未登龍拜使君可想其爲人著有匏菴誌異及抱犢山房詩草

梁世徵字誠甫高坪鎮人孝友廉惠而慎獨講德誨人爲鄉里所宗隱居求志没年八十

戴澤滋居承天寺性孝友居喪廬墓蔬食三年兄世澤早世致敬盡禮于嫂張氏以成其節澤滋子濬祥課徒以德行爲教處已嚴接物和澁賊擾境著禦賊方略以教鄉團

同治九年以高年得鄉舉性好吟咏雖毫不廢著印潭詩
草卒年八十八

王伯新字思過居中鄉淹通經史工書事祖母以至孝聞
既入學旋以附貢歸講學授徒弟子升于庠者甚眾前知
縣潘方來稱其品之峻書之工樂道之

龐際超字希元歲貢生性純潔植品飭行篤于倫理早歲
以文雄學使試輒高等比于鄉得解復失者屢晚乃絕意
名場築柏香書屋牖覺後進經其訓誨皆名于時喜爲詩
所著盈篋子純珏孫仁愷仁悌俱孝弟方雅不墜其學
敬以仁字虛堂大石橋人受業蒲煦之門高才不第中歲

絕意進取敦行功過格利濟不怠士多從之學教以求放心法宋儒半日靜坐尋孔顏樂處弟子之貧者卻修脯而教之年七十三卒

劉光第號玉溪居東鄉行端而學優同治九年舉于鄉游其門者多達材值歲饑舉平糶以濟鮮民咸豐末創修鹿鳴寨縣東南及遂甯之民多藉以保全

李定科縣學生居任隆場性純篤設館授徒教必歸于敦倫立品多所成就

羅炳墀府學增生居任隆場文章志行爲鄉里衿式稱曉帆先生嘗與李維均李克昌募建隆道書院以迪後進

張壽山歲貢生居玉隆場好學篤行自奉約處世謹得鄉
閭孝友之譽厯掌蓬山飲和書院及門多彥士卒年七十
三
李昂號燮堂縣學生居隆盛場淡泊寡營篤志于學家不
豐而好施工書左書尤良遠近珍之兼善劍舞編印功過
格言以淑世感化者多晚歲樂靜而書劍益工有叩劍法
者不告也卒年八十二

余萬鵬號鶴村西鄉人性莊坐立無少偏倚勸率同人體
行小學以醫爲業暇輒講述于鄉閭勸人爲善誠意肫切
卽療疾之頃亦必諄諄以孝友爲勗謂能誠意率行藥無

不驗人多悅從今其里居尙稱俗美

趙興邦字體堂居西鄉帶迴橋讀書深究性理有論著燬于賊氛飭行能副所學嫡母患癰吮毒濯穢久不倦幼時兄常欲毒害之長不懷怨分產讓多取少兄晚貧恆餽給之代籌婚嫁安葬篤于始終鄰有欲嫁妻以養母者興邦暗遺米肉于其門俾不乏於養卒兩全鄉人多賴以存活與游皆君子咸稱其不愧于名教也

郭三俊居康家渡之長興壩篤學士也純正撝抑容莊氣和接人一于恭而持守方正無所阿撓設帳授徒其教謹嚴卒年八十八

劉安舒西鄉善人其家不饒處已約而畜兩弟以恩代贖其妻子族黨鄉鄰無告者力能賙必賙之常手錄勸善之籍以贈人感化者眾晚歲口占韻語兢兢于寡過之難濱賊過其門相告曰劉善人宅也勿掠

黃力俊居西鄉茅君山下性誠無矯飾孝于親弟子長見稱鄉里處已以禮接物以敬終身未嘗與人爭其所言行人皆奉爲楷模有爭輒就質雖甚倔強聆其言靡不悅以解一時宗其盛德比之陳太邱

劉全義中鄉人嘉慶中貢生居親喪哀毀殊至處兄弟友愛教生徒勤于訓誨準繩一本先正南充杜麟定贊其爲

卷之三
四
人有孝友慈和春風滿座之言精于鑒別而不揭人非卒已八十餘年鄉先生猶稱道不置

何燾明月場人舉于鄉制行高潔不樂仕進遇挑選輒以親老爲辭居鄉守儒素不染世務有請托者婉謝之晚主環溪明月書院生徒甚眾

段汝陞字愈慶居龍多山事母孝兄三皆戇尙氣汝陞能翁和之終身無閒言聞人有急難曲恤不忝時稱長者少時賢于合州有女私奔拒之且誨以惜名節女感泣去鬻紅花子順慶得價誤溢百餘緡歸而後知亟寄還至今遠賈猶頌之汝陞嚴以自律而接人和易然驕悍者見之未

嘗不生其敬畏其他懿行猶多前知縣潘先珍表于其墓曰干木遺風卒年八十四所畜犬廢食而哀號及葬有雁悲鳴遶其墓

韓文瑛字德裕居縣城性慷慨見義必爲兄妻孟弟妻吳皆嫠居文瑛力任家艱以全其志道光十六年城外溪水大溢民艱食者十二三具食食之全活甚衆前知縣張其仁題樂善好施表其閭十八年其仁增修養濟院文瑛捐金三百又爲之督工事竣得獎八品職銜固讓乃移獎其子永壽文瑛生平救難濟急補路建橋拾枯骨施茶藥靡不竭力爲之年七十三卒知縣李燧誄之以言曰惠鮮有

懷

何居廉過軍壩人壩前有津渡倡募金資置地十餘畝以所入設義舟以便行人又捐己業以濟其不足時有梁廷治者施田百畝半以資是津半以佐縣中養濟之需

梁正全大堰場人父尙魁因族人爭其田慨讓十餘畝正全追遠盡誠事繼母能慰其意嘗完人六婦者一成人苦節者三代人遣嫁者七遇饑則鬻粥以賑咸豐十年遂甯先被賊擾其人多避于大堰場或資以財或助之食悉賴以濟妻王氏亦助之施鄉人至今稱之

匡明珪古溪場人性樸寡言好施濟里有貧不能讀者助

以膏火之需捐金增修文昌宮號堯闢孔道白人利場至任隆場其最著也知縣福倫畀楹聯楣額以嘉之

張昌言西鄉人事母孝長而孺慕友于羣從如同胞建祠掩骼賑粟施藥助婚嫁繕橋道常獨任之咸豐末捐金募鄉丁以禦賊晚年益好施以三千金之產半爲關帝廟祭田半爲義塚葬埋之費享年七十有三繼妻陳能率其行樂善不厭撫三世之孤皆成立

譚明珠字清泉明全字朗山居太平場篤于友恭同治十年饑同捐多金以倡糶明珠濟貧通緩急凡耳目所及無不竭力爲之遠近待以舉火不可殫數明全于里中無告

者月予之粟病予藥葬予棺皆力行不怠嘗有螟患明全
田禾獨無損

梁心院字含輝居河邊場之張家溝積善安貧嘗連日不
舉火處之怡然見善必爲力不逮則募成之人信其誠無
不樂爲之助

唐朝彥字獻廷東鄉人父永祥卒後三月乃生終身以不
獲見父爲憾事母秦以孝聞母疾謹侍湯藥歷數寒暑如
一日居家儉奉公急家規嚴肅男婦數十人無嘻嗃聲好
善樂施以救難濟急爲務不慕榮利園植名花數百株日
吟哦其間

楊仁普字毓蘭事母孝母患風痺服勞不脫冠帶者三年制行剛方有見義必爲之勇咸豐十年賊警卒至仁普捐錢百緡並募李新仁之資練勇丁二百以衛縣城紀律嚴整賊攻人和寨仁普與弟興邦從把總劉國鎮往援力戰勝之厥後知縣潘先珍嘉其功重其行以孝義可風題其門晚歲講學自怡卒年七十有三

余鳳翹字岐峯其先居邑西河邊場後賈于射洪遂寄籍焉避藍逆之亂來居康家渡人和寨寨之初基獨出金七千餘與諸避亂者共成之及賊掠上游而返鳳翹督寨丁截戰于涪斃賊甚眾旣戡定民留處者猶數百家鳳翹居

貧而甘濟困不怠全貞勵節睦族合宗無業者授之事生
女力不育者助之粟幼不能讀者佐之修無以娶無以嫁
者代庀其所需建祠宇設義渡修道路刻勸善之書寨鄰
有思歸而限于力者以厚資買其弊廬而遣之其善行甚
多解紛亂釋爭競欲構訟而爲之中掇者比比也卒年八
十有一贊寨之成者尙有蒲瑞鄭桐甘萬福陳蘭普余國
卿郭定甲楊清傳徐明相楊朝鼎劉心田蒲芳蘭蒲煥堂
例得附書

周澤霖字澍齋安居人以貨殖致小康訥而和雖非儒生
然喜覽格言以自律咸豐末亦避賊來居康家渡寨修築

之工防戰之績周旋其間得力爲多旣平寨人多還其家
留者亦衆久之澤霖欲去衆挽之鹽大使沈賢修以其爲
民之望能調和其間力留之遂不去竟終于寨澤霖兩兄
遠在其鄉皆老而貧澤霖遙饋之存沒盡禮又字其孤爲
邱嫂遠致櫬材焉再從叔玉峯早世子肇文貧難卒學澤
霖力資之俾竟其業籍于學官又于寨修家乘焉至其賑
困窮恤孤弱濟急難通有無至今頌聲徧涪上也

鳳翽先爲縣人澤霖則旅寓者和寨之建其力爲多始
禦寇攘終輯羈旅且長留保障于西垂其勤何可泯乎懷
王烈于遼東緬許靖于交廣之二子者抑亦其亞與

蕭洪謙字地山幼貧食力事親孝侍母疾日夜扶持親滌不潔數月無厭怠後自致小康贍兄弟撫子姪怡怡如也輕財樂行義興義塾立寨堡設十全之會彙小學印善籍立宣講爲之不倦遠近稱善人又有漆大爲者居隆盛場之冉家霸正直寬厚不富而喜施亦以善士稱

曹耀崑字午垣明月場人事繼母孝居喪廬墓未嘗見笑容接物和無所競同治十一年以歲饑捐資倡賑民賴之盧天成西鄉人性剛直樂善族無祠獨力營之又倡建鳳山書院于玉峯場獨修場外大路十五里建天成之橋其餘裨贊義舉舍藥與棺助婚嫁恤孀嫠事難更僕數前丞

古陞稱其善行爲西鄉之冠又張茂甲者東鄉蓬南場人
爽直仗義分甘贍親族置田斜石坡租入三百六十挑捐
于環溪書院佐膏火知縣徐楊文保請給州同職銜以獎
之

昔王介甫之以經義取士也已而喟曰吾其使秀才爲學
究矣乎使哲徽之朝再有荆公其早思變計無疑也然稽
古致榮人情所慕邇經爲業俗尙斯敦故我

朝猶仍久之久之重古者遺今逐末者忘本學術多歧而科
目亦紛紛議變矣蓬溪文彥之邦黨庠術序絃誦聲相聞
近數十年致身常多耄士皆能讀三代羣聖之書者記其

登進之年以續前篇亦論世之資補前所遺者以時為次

進士

余 繁 康熙時

蒲預麟 同治七年戊辰科

舉人 按前志載明嘉靖三十四年乙卯舉人李映枝今考

嘉靖四十二年題名只稱庠生則前志科分為夫之

人前志以為舉于萬歷

錢世昌 邑西走馬窰人前明嘉靖元年壬午科見前志金

蒲富 明天啓七年丁卯科

龐敬 國朝康熙中

傅濟川 道光二十九年己酉科

李坤 咸豐元年辛亥 恩科 順天鄉試

李維均 五年乙卯科

何燾

歐京第 皆八年戊午科

鍾瑞廷 九年己未 恩科

李少白 同治三年甲子帶補辛酉科

朱坦能

蒲預麟

熊祥謙

曾子鑿

王文炳

皆六年丁卯帶補壬戌

恩科

周理陽

劉光第

皆九年庚午科

楊錫圭

梁仲舒

劉永茂

皆光緒十四年戊子科

米文澂

二十年甲午科

武舉

蒲霑雨

蘇環紹

王秉節

任上暹

羅惠鮮

王三錫 皆前明萬厯間見金仙寺碑記

劉官績

何大春 皆咸豐元年辛亥 恩科

張逢春

唐重祥 皆五年乙卯科

劉子銳 同治三年甲子科

何治安 六年丁卯科

李光超 九年庚午科

姚弼臣 光緒二年丙子科

孝廉方正

王三益 光緒元年由歲貢生舉

恩貢

王恩湛 年分無考

鍾瑞廷 咸豐元年

龐際超 二年

蒲煦 四年

彭術魁 同治元年

李尊墀 光緒八年

熊斗山 年分無考

高登瀛 十六年 府學 陳鼎吉 光緒八年

拔貢

李樹勳 道光十七年丁酉

江維翰 二十九年己酉

王鏞 咸豐十一年辛酉

鍾永定 同治十二年癸酉

米文澂 光緒十一年乙酉

唐際虞

夏光鼎

皆光緒二十三年丁酉光鼎府學際虞縣學也

副貢

戴清珍

乾隆二十七年壬午

馮際亨

同治三年甲子

劉澤洋

六年丁卯

梁仲舒

十二年癸酉

歲貢

蕭汝隆

乾隆四十七年

朱暉吉

道光二十九年

楊卓然 咸豐八年

李華川 同治元年

張秉謙 同治六年

王福星 十二年

王三益 十三年

鍾永猷 光緒二年

張壽山

黎晉熙 皆四年

楊國瑚 六年

陳殿颺 七年

傅昶廷

八年

李純青

十一年

王汝霖

十六年

楊應祥

十年

白雲達

楊培秀

皆光緒二十年

黃金如

二十二年

李承敬

二十五年

李紹英

周詒

龐履泰

趙光晉

何居廉

何應星

彭晉墀

李祥慶

蘇興祥

曾衍湛

以上十八年分無考

人爵之加可以爲士之榮辱哉而以名篇也君子所釣遊
慕其風者猶徘徊焉矧居位以行政乎今日之榮稽古之

力桓傅言之所以爲後生勗也且鄉曲之論時有當于積善餘慶無使就湮以爲民望有所弗備則見聞之囿也其有別見則亦非遺

馮 耘宋宣和中以從政郎官資州州學教授縣境淨戒院記遂州刺史李孝端撰而耘爲之書

雷之勃明天啟四年舉人官健爲教諭

蘇鳴瑜明崇正三年舉人官汝甯知府語見金仙寺文武宮碑記

錢文貴明雲南武定軍民府南甸縣知縣

錢 金明省察官

錢 義明貴州鎮甯州州判

錢齊倫明蜀府內相

錢用明明陝西蘭州教官

右並見立馬堵錢氏爲陶記

錢 獻明萬厯元年以歲貢官綦江縣訓導見綦江縣志

馮其原明萬厯中歲貢官綦江縣教諭陞保甯府教授見

綦江縣志

杜永昌 國朝順治中官蒼溪訓導

龐 敬康熙中以舉人官蒼溪教諭

戴章甫以舉人官犍爲教諭

杜 琛康熙四十二年官蒼溪訓導

楊文言乾隆十七年以歲貢官巴縣訓導

周思淵十八年官蒼溪訓導

戴清珍以副貢官墊江教諭

尙 文河邊場人官浙江錢塘丞

朱學魁以歲貢官慶符訓導

李敦培官平武教諭

陳鴻翥任什邡夾江珙縣教官

王秉毅居遂甯柏林灣入蓬溪學由歲貢嘉慶十五年署

慶符訓導旋補蓬州

事恩慶居石龍山下以拔貢鑲黃旂教習議敘任江南豐

縣泰興江浦知縣

李復慶恩慶弟年十七選拔貢生効力河工二十一卽任
民杜厯官安徽鳳臺阜陽知縣教民以筒車汲水溉田阜
陽民生爲立祠卒于官其祠至今享祀子坤以舉人任潁
州知府

郭尙儀以舉人官福建永春州同邵武經歷大田知縣
熊應華字春廷居隆盛場之觀止溝以監生議敘官浙江
石門主簿攝縣事著循聲六十致仕課耕讀以自娛

覃懷瑾以舉人官銅梁漢州達縣宜賓通江青神江安教
官

李樹勳官會理學正

景大魁官劔州訓導

王鏞字竹孫以拔貢官江蘇華亭常熟知縣歸復授江西金谿而卒

杜思柔更名宇昕官溫江仁壽昭化教諭擢河南封邱知縣

蒲合成以舉人官溫水經歷有政績民繪祀之

朱暉吉以歲貢官昭化訓導

林沐勳官廣東文昌丞

蒲預麟以進士官刑部江西司主事

李少白以舉人官儀隴教諭

王壽萱本名三益字友菴舉孝廉方正以州判簽分安徽攝滁州吏目

朱坦能字豫堂河邊場人官雲南建水知縣擢思茅同知子灝署普洱州州判

何大春官樂至及三臺河嘴中江盛家池汎

陳嘉謨官雲南雲龍沅江吏目

熊重祥以武舉官三臺葫盧溪汎

李維均字瑾山東鄉人籤分廣東知縣廣東多刁民喜爭訟常遷延不結長官思釐正之廣州府有發審局委官鞠

獻結重案十八輒紀功維均連得大功三爲上官所器異
尋卒先是家居值軍興取于民以供夫馬縣民所賦倍于
正供者七事平不革維均力爭之得減其三縣有丞在蓬
萊鎮民有曲直或就近愬于丞冀速結無多費不曠日廢
事然黠者于所理輒又愬之縣則移提一訟而兩累或彼
此勾攝不相謀累尤劇識治者謂宜寄治于丞俾專之以
定民趨否則丞爲贅無以甯民而反爲之擾維均請使丞
勿受辭專其任于縣然固未能也

楊希淦原名樹之以舉人大挑任仁壽教諭截取知縣借
選浙江石堰場鹽大使

何致忠官江西都康吏目

何其大官蘭山章邱縣丞

李國照官臺灣淡水巡檢

陳 龠任峽江知縣歷官德化瑞金興國星子新城石城
都昌及義甯知州

曾子鑿今任南溪訓導

王文炳今任通江訓導

梁仲舒今任資陽訓導

尹紹先前署達縣訓導現署馬邊廳訓導 右仕宦

昔之所謂數世同居謂其能庇族也所謂耆耄謂其智老

而多也我

國家尊高年而宏生聚恩常逮于三壽之民多子姓之翁
嫗亦猶古義焉胥史之流目不涉惇史耳不涉嘉言書于
牘者舉其年臚其子姓若而人而已蓋大異于古者之述
鬻子蹇叔公父歎母石龍太夫人汾陽郭王滎陽鄭氏矣
而撰地志者類拉雜備錄之以爲可以傳諸不朽無乃難
自信與如以爲人瑞之徵可以章盛世之邳治則必于其
難得而可慕者而後載于篇庶猶不類焉今輯縣志錄所
聞年逮百者同居五世以上者自餘略之豈曰遂足傳亦
若人言聊章盛世之多人瑞焉

縣人有仲明海者其先世自明時居常樂場之文邨溝至我

朝乾隆十七年始一析而明海留故居其後同居六世有丁二百餘歷百有二十年至同治元年乃復析今其族系甚蕃若仲氏者其可風矣尊祖敬宗收族繫必有道焉

其他以五世同堂聞者楊藩嘉慶八年年八十七李先任光緒八年年九十九子孫曾元二十六人鍾靈通十二年百四袁洪學年至九十六青懋芳年九十五親見七代漆勝祿亦親見七代與胥材皆年九十四何一齡年九十三詹事府主簿蒲朝佑年九十一米興義軼其年楊泰春

蔣承琦皆現年百二羅光耀現年九十六郭光堯現年九十子孫曾元三十四人胡承琬年八十三胡文良年八十一皆五世同居蔣三春現年八十七范華星年九十妻楊年九十六漆大炳年八十二妻唐現年九十四彭祖洪與妻劉皆年八十五子孫曾元四十餘人趙昌堯現年七十八妻賈現年八十蔣國璽之妻姜年至百二戴謀極之妻何光緒十九年年九十九張成倫之妻楊九十八蔣榮彩之妻梁年九十七周么之妻余亦如之周么之妻張年九十九鍾祥發之妻唐年九十四賀么之妻何年九十三曾爵位之妻王年九十二何鳴岐之妻蒲年九十二親見七

代王正甫之妻鄧徐公之妻高年如之匡正倫之妻周同
治六年年九十子孫曾元二十六人陳治國之妻李年九
十四夏應璉之妻何年九十六親見玄孫十餘人張國訐
之妻賀年八十八張懋芳之妻章光緒十八年年八十六
何鳴璵之妻王康國輔之妻鍾年如之陳才康之妻劉節
婦也與高恩源之妻唐年八十四蔣世鵬之妻蒲現年九
十三何公之妻王現年九十二羅明位之妻彭現年九十
一康國經之妻胡現年八十六監生江顯揚之妻曾年九
十七

以高年聞者石大昕年至百六廬龍元咸豐初年年百四

蔣文基光緒十三年年百唐開亮光緒十四年年百張景
登年如之陳光廷鍾懷霖年至百二梁懋堂之妻苟成豐
十年年百梁正貴之妻吳光緒十三年年百一張玉倫之
妻蒲光緒十七年年百二何自剛之妻李年如之蔡世璠
之妻歐陽光緒十八年年百三楊仁溢之妻蔣年如之任
朝舉之妻蒲二十一年年百周遵海之妻曾年亦至百陳
有祥之妻王年至百二

蓬溪縣續志第十

列女

昔成周德盛關雎化行婦人女子類能貞白自持播諸詠歌垂爲謨訓而以孝顯者鮮有攸聞蓋事父母舅姑之道詳在內則之篇本親愛之良知立經常之大訓舉世率行視若固然不以爲殊尤卓特必處變不違乎禮而後詩人咏之良史書之故代不數見焉

國家本原經術以正民彝表厥異行懸諸令甲烝烝之化日以加隆象山涪水閒貞孝之旌綽楔比肩而立巴清符絡不得擅美于前矣采道光二十四年以來婦德之成者

彙輯爲篇以續前志前所遺者兼爲補之首孝次守節次貞烈

蒲瑞現之妻梁性淑而孝舅友樅病癱起居食息悉氏扶持卽滌穢扶溺亦力任之常言翁衰病若此當竭誠奉養若避嫌將誰諉耶孫合成由舉人入官殆孝澤之貽也

李二姑許字唐彰鴻未嫁也嘉慶五年隨父安懷避賊劉家壩賊及之刺父父佯仆二姑伏父身輾轉蔽之泣呼曰殺我無殺父賊憫其孝欲舍之旁賊刺以矛女則斃賊以爲皆死也去之父得免二姑幼常依父弗忍須臾離卒代之死時年十三其後知縣蔣若采爲作傳兼立祠祀之顏

曰烈孝

秦懷孝監生紹壹之女有女兄三長次殤而三適人紹壹之卒懷孝方十歲謂其母曰母無男而多疾後將何依女願長事親矣母不能強乃聽之懷孝事母迄于祭塋無違禮教匪之亂守親墓不去遂以罵賊不屈死

林鵬佑之妻鍾年二十二夫疾亟剖左臂肉啗之不效夫沒守節其後繼姑寢疾復剖右臂以食而瘳咸豐十年賊藍朝鼎至境家人皆逃鍾以姑病守之不去賊詢知深相嗟異樹旗宅前戢其儕勿擾

君子曰賊以殺人爲常其不殺則變也然亦以不殺義人

爲常其殺則變也於乎狂風振海疾雷破山當之而卒全者其惟忠孝乎

王有科之妻劉甯斗之第四女也年十四母疾危割臂和藥進而瘳事在道光七年十八年又割臂以療夫疾其事姑亦以孝著而撫前妻子三如已出今健在鄉黨推賢

戴謀槐之妻羅事姑余以孝聞道光二十二年余患風疾歷二年矣羅侍之久而益勤似聞人言有以割股愈疾者乃夜禱自割臂肉烹進之姑弗知也甘之越三日瘳

李清輝之妻唐以舅官鴻寢疾二年餘醫窮于治割右臂肉煎湯奉之而愈先是官鴻與其長子清嵩皆嘗割臂療

親疾也

秦仕顯之妻李夫沒時年二十四守節養姑姑病思羹割臂肉烹進之尋愈越四年姑復病藥罔效又割臂肉和藥以進三日瘳姑年至七十一一旦無疾逝夫遺弟二女弟四皆氏撫成之紡績忘寢以供其需年七十九卒已旌劉官慎之妻王喪夫欲殉見阻不果旣而曰親老女弱繼嗣未立由是竭力奉舅姑撫夫弟之子陽生爲嗣舅寢疾割臂肉烹以食之尋瘳其後姑疾又以臂肉療之

文生劉官箴之妻康拱辰女也年二十八夫沒守節奉舅姑竭力舅疾殆割臂進之瘳考于官書已旌節婦有劉官

箴之妻李與此疑二嫡也

陳大蘊之妻蔡居孀守志以姑疾亟叩天割臂和藥進而
瘥

張祖誠之妻王早喪夫守節姑梁氏疾篤割臂肉和藥奉
之卽痊後王氏疾幾不起子婦段亦食以臂肉而愈

蔣芳治繼妻劉以姑疾亟夜深而禱持鬚刀自剖左脇肝
突出割取一葉納餘肝而束之調所割奉姑疾卽愈今姑
婦皆存

李盛富之妻唐居河邊場童育夫家性至孝姑愛逾女同
治八年姑疾劇夜持薙刀割左脇割肝寸許和藥進明日

姑病瘳氏創亦尋愈邑令潘先珍表其宅現年五十餘
漆國憲之妻廖先以夫病割臂肉食之不效年二十五居
孀守志其後姑疾危又割臂肉煎湯飲之而愈其姑已旌
節婦漆劉氏也

李思大之妻盧居承天寺十九喪夫族逼嫁之矢志不渝
姑柯氏疾危割肝啗之立愈知縣顧懷壬厚資之榜其門
曰誠孝格天

傅江氏傅斯盛之妻也性至孝嘗以父毓霖疾篤割臂肉
啗之瘳

古永棟之妻彭歸甯適父子華久疾不愈夜禱于神封在

臂肉食之瘰

舒興有之妻黃早孀再割股奉姑皆愈其疾

張有餘之妻古居板橋場光緒七年其姑楊寢疾自秋越
春古以無力致醫藥乃籲天自割臂肉調羹奉之姑食盡
疾遽瘳

劉蔣氏武生耿光妻也姑夏氏年逾七旬素有頭風疾氏
侍奉罔懈光緒八年二月二十八日姑疾作思羊羹時耿
光出未歸氏潛割左臂肉調羹奉姑而疾頓痊鄰察知報
于知縣宋家蒸給匾表其宅在玉溪鎮

張彩珠光緒十年年十三以母疾篤禱神割左臂肉和藥

以進母竟卒逾四年彩珠亦卒毀也

呂興太之妻謝事姑孝光緒十二年夫遠出姑疾病醫藥弗效三月初八日姑思肉氏以力不能致憶嘗聞割股能愈疾乃夜禱割臂肉烹進無何姑疾瘳其夫後歸知之偶洩于隣知縣鄭銓聞其事驗之覈

王定平之妻李刲臂肉療姑疾事在光緒十五年

申義氏者吉星場申道中之妻也光緒二十年以姑顧氏寢疾無力延醫割膺肉療之

蔣立山之妻楊以翁登汲久疾醫藥力匱禱神請減己年以益翁不愈復夜焚香而祝割臂肉和藥進旦漸瘥事在

光緒十九年

何貞姑節婦何江氏之女孫也字彭氏子未婚夫卒既齊衰而弔遂守貞于家光緒二十一年以江氏疾甚思肉食時方禁殺乃割臂肉進之其疾尋愈

六氣之不齊中人而皆爲疾皞軒雖聖舍藥物鍼石莫能爲功詎謂方劑所謝而炙肌煎臟可濟其窮哉蜀檮杌載蓬州縣孝子程崇雅泣竹而荀萌于冬其祥與吳之孟宗後先若一精誠所積而枯者爲之榮天人感應之符固不可以常道論與蜀無蓬州縣或謂蓬溪縣之訛後人因之于蓬溪築孝義之臺今日教孝縣人化之能事其親戚者

眾女婦類然不惟丈夫也然門內之行常而非異其表見也難故他孝行罕傳必尤異者乃見稱于世而取身和藥時有其人非特無害多奏功焉天格誠孝之死而致生之與抑會其將痊與其必由誠蓋無疑也誠乎孝者篤于親篤于親者忘其身彼違自以爲孝哉不恤其戕何之褻也而天斯格焉矣近有歐永昌之妻劉者夫沒守節翁定明疾久不愈劉焚香禱神請以身代翁思羹劉潛割一乳以爲少又割一乳和羹以進疾若失割亦無苦有陳祖勳之妻歐者素患頭風而善事其繼姑繼姑沒矣風疾作夢爲炙之及覺而炙痕在鬢疾良已自是不再作有曾貞貞者

蓬萊鎮人事繼母以孝聞其父疾危貞貞禱竈君請以身代久之父愈而貞貞疾疾如父一日告父曰兒得請減年遺父許加一紀矣卽沐浴焚香卒年十九同治九年也人多弔以文居其地者能詳言夫誠于孝者感通固若是哉

右孝

聖人重夫婦之倫以爲禮義之造端是故胖合之儀繁而不殺所以合二姓繼萬世也一與之齊終身不改故夫死不嫁其于一成不變之義不啻振木鐸以告之是以民志固而彝倫敦別嫌明微以爲化始於皇維

清治用儒術嘉匹婦之行義表宅里以樹風于是貞白之

操著于閭閻恤緯雖傷而惠綏絕念蓬溪蕞爾邑上下五十年間以節守旌者書名盈帙積牘充棟化行俗美足以垂儀型于永永年代矣蒐羅備葺罔俾就湮事蹟既同無俟遍錄錄其姓氏以示不朽文牘可考者以時爲次定例守節之婦自三十歲以前守節至五十歲或年未五十而身故其守節已及十年果係節孝兼全阨窮堪憫者俱准

旌表蓬溪縣自道光二十五年以來已旌節婦席翰儒之妻蒲楊仁厚之妻蔣周光璿之妻張杜正榮之妻石何倫之妻敬萬大源之妻孟張灝之妻楊呂謹音之妻楊柏

大傳之妻段柏芳榮之妻唐楊世錫之妻陳胡國基之妻
李唐紹第之妻蔣唐生柏之妻鄧李正東之妻呂王華盛
之妻蕭朱協忠之妻龐朱乾忠之妻鄧唐瑞綱之妻蔣蔣
尙仁之妻蕭廩生蒲蘊芳之妻李何鎔之妻蔣馮如俊之
妻湯曾士朝之妻申馮應照之妻唐李孔達之妻楊李昌
文之妻雷蔣恆丕之妻秦楊正卿之妻黃劉達萬之妻陳
李永陞之妻楊羅志棟之妻呂劉光和之妻易胡琨之妻
薛胡珊之妻韓胡騰海之妻顏胡之良之妻何馮國順之
妻湯蔣光策之妻韓樊廷文之妻傅楊宗禹之妻朱楊顯
常之妻馮張朝珠之妻蒲劉可仁之妻唐鍾祥祿之妻陳

王林材之妻唐楊萬家之妻張鍾祥斌之妻陳周思儀之妻劉鍾瑞滿之妻田譚明禮之妻楊戴崇咸之妻葉戴占先之妻葉何應詔之妻詹高天春之妻馮何其知之妻楊王育憲之妻李陳宏材之妻漆張安歲之妻陳李國明之妻張謝朝宗之妻吳丁宏業之妻高易含章之妻謝湯銘清之妻江徐懋信之妻楊熊國柱之妻曾唐殿相之妻宋柯益壽之妻張李世璵之妻王鍾祥彰之妻宋尹日驪之妻秦王天保之妻鄧楊藩之妻岳鄔登傑之妻周王顯模之妻曾王德明之妻徐劉漢鵬之妻車康永洲之妻曾雷德貞之妻陳陳念清之妻王余大富之妻江黎昌王之妻

莊王恩周之妻楊張茂芝之妻廖王福慶之妻章胥萬綸
之妻蒲汪祖珍之妻陳段尙愍之妻魏傅斯成之妻何何
安矩之妻黃青家修之妻楊趙載鼇之妻蒲段尙愷之妻
李徐文運之妻張蕭祖訓之妻楊胡興發之妻林白士祈
之妻郭嚴萬春之妻蔣唐延興之妻李李上陞之妻周劉
永旦之妻錢何敏欽之妻蒲易德廣之妻賀黃承信之妻
陳劉光化之妻曾周心吉之妻何姚學純之妻蔣曾載福
之妻田胡國輔之妻羅胡國經之妻文潘文錡之妻黎唐
瑞明之妻蔣歐必文之妻楊羅先孝之妻歐劉光進之妻
王鄔德本之妻蘇戴崇臣之妻葉唐儲興之妻王陳國佑

之妻龔王前選之妻陳王前新之妻楊全時玩之妻謝鍾
瑞元之妻楊楊永典之妻周劉官芳之妻楊漆勝瓊之妻
劉蒲應試之妻秦蒲應盛之妻張童光瑞之妻吳文生陳
嘉猷之妻秦傅家善之妻陳瞿維藩之妻曾李賢關之妻
白龍道亮之妻杜甘家德之妻仲任德祿之妻侯謝時雍
之妻何蘇應全之妻何龐除連之妻王譚科進之妻楊周
應紀之妻余冉正釗之妻李高恩佐之妻鄧陳文星之妻
劉咎文惠之妻牛胥奎先之妻楊齊有仁之妻宋蒲國典
之妻胡蔣六儀之妻朱韓正炘之妻李周有經之妻陸監
生劉汝謙之妻郭李國齡之妻張楊德運之妻屈劉官勳

之妻冉文生全懋德之妻陳文生王福備之妻萬黃顯魁
之妻吳王元福之妻李田繼洪之妻張謝文林之妻楊吳
勝典之妻陳周見昂之妻黃張宗傑之妻王張文孝之妻
陳楊慶先之妻張米大品之妻周李茂銳之妻陳唐紹奇
之妻康楊高福之妻姜龐純寬之妻王唐仕宏之妻康李
友和之妻何傅斯桂之妻楊蔣仕政之妻文陳自瑛之妻
蔣李維域之妻何妾陳蔣恆者之妻王黃學濂之妻王鍾
永縉之妻李鍾永治之妻譚袁修膠之妻程戴祖玉之妻
羅王長佑之妻楊楊孝先之妻張廖鼎新之妻楊李世培
之妻彭姚昇雲之妻龐夏正貴之妻蔣周肇度之妻譚楊

勝斗之妻羅方華新之妻馮沈繼城之妻黃彭深朋之妻
馬戴仁狀之妻張陳顯鳳之妻劉丁義隆之妻陳何中仁
之妻艾盧發炳之妻任王啓禮之妻李何良陞之妻吳白
國珍之妻漆李裕成之妻康劉官箴之妻李王顯臣之妻
蔣陳永業之妻黃曾開繡之妻王楊宗震之妻高楊昌儀
之妻周楊俊秀之妻唐黃榮階之妻謝周正常之妻譚楊
代欽之妻鄧楊世祥之妻陳蒲永廷之妻文楊世祿之妻
文馮聯璧之妻李楊長武之妻蒙梁正貴之妻吳梁宗福
之妻宋蔣宗山之妻童張文秀之妻吳劉安邦之妻黃楊
永崧之妻周郭志和之妻甘周舉之妻趙鍾思發之妻胡

楊永忠之妻周羅遇俊之妻楊賴洪近之妻宋梁宗耀之妻楊謝良瑚之妻銀武生何會元之妻王田思和之妻朱尹光堂之妻楊武舉劉官績之妻楊楊宗極之妻唐江宗耀之妻彭張復善之妻譚劉子賢之妻鄧李如瓊之妻龐黃明賢之妻陳楊仁義之妻劉冉廣生之繼妻王溫學海之妻賀胡經法之妻王何修常之妻黃夏大鼎之妻周周肇乾之妻匡文含英之妻王蔣一登之妻匡周其明之妻何鄧正己之妻陳田繼述之妻黎全純誨之妻何李尊堦之妻徐張邦固之妻聶鍾永述之妻劉楊先才之妻任李懋熙之妻郭李光浦之妻胡姚學光之妻高胡倫權之妻

嚴劉清晰之妻 楊武生姚安普之妻 胥武生胥應鵬之妻
楊鄒揚奎之妻 樊劉榮先之妻 徐彭斯明之妻 高張宗書
之妻 陳周明聲之妻 張郭元安之妻 楊陳濟美之妻 江朱
煥順之妻 盧芻德超之妻 楊蒲含珊之妻 蔣薛含仁之妻
許蘇文璽之妻 何馮宗惠之妻 蘇龍廷仲之妻 譚廩生李
載賡之妻 郭廖士讚之妻 郭龍正飛之妻 譚陳裔恪之妻
何其子祚鍾之婦 楊陳以恕之妻 蔣李興忠之妻 朱陳登
禎之妻 張張德一之妻 周王開選之妻 瞿屈用舉之妻 周
王家漢之妻 謝楊作禮之妻 廖楊世裔之妻 李鄧安訓之
妻 唐李高之妾 王李元通之妻 陳羅正富之妻 徐劉定九

之妾段凌海淮之妻劉周肇述之妻楊李貴亭之妻蕭白
映真之妻陳左國霖之妻全劉炳立之妻周黃均守之妻
周馮懷周之妻楊胡國聘之妻門周肇修之妻譚羅興霖
之妻楊朱厚德之妻柘謝鳳陞之妻任李元適之妻蒲敬
朝瀛之妻何羅瑀之妻敬劉元文之妻李漆國士之妻楊
吳應昌之妻張蔣六儀之妻朱雷先兆之妻胡青文斌之
妻張劉元富之妻何楊世賢之妻劉嚴正舉之妻梁唐二
杰之妻蕭梁祿龍之妻黃姜世文之妻王譚登槐之妻楊
鍾祥文之妻陳廖翔鳳之妻謝冉正經之妻稅陳大蘊之
妻岳蔣其仁之妻瞿文生江維屏之妻申拔貢江維翰之

妻張梁廷大之妻楊任國棟之妻何張登華之妻黃增生
李輝甲之妻雷吳與業之妻王陳清育之妻羅李友賢之
妻稅陳膺傑之妻黃文生陳自清之妻蘇周明清之妻張
黎榮昌之妻李鄧一華之妻李監生陳光國之妻吉趙登
富之妻陳甘萬裕之妻王王學順之妻紀李華慶之妻席
彭深朋之妻馬蕭日榮之妻屈曾載福之妻田陳懷玟之
妻張陳清唯之妻任梁世準之妻任唐永祥之妻秦唐世
耀之妻周蔣宗文之妻李羅正富之妻徐李大綱之妻秦
鍾瑞璧之妻鄧王錫標之妻蒲楊以堂之妻丁王正科之
繼妻姜何紹綸之妻周何有猷之妻王胡世元之妻王

待 旌節婦已故者鍾永貞之妻鄧鍾文錦之妻張鍾文
漢之妻彭曾元漢之妻劉張祖綈之妻陳張祖全之妻李
蒲文詳之妻梁蒲文讓之妻任楊大魁之妻文監生劉正
康之妻蔣潘才文之妻梁李順紀之妻林劉光操之妻王
鄧必仁之妻夏劉炳章之妻周唐宏仁之妻熊張訓誘之
妻譚漆勝一之妻卿楊清嵐之妻李向德璋之妻余蔣學
文之妻楊蔣志興之妻劉李中行之妻陳羅遇奎之妻黃
楊自盛之妻鄧何光甲之妻石陳宗汾之妻顏雷大定之
妻趙丁高照之妻周馮大瑞之妻王戴德川之妻周熊遠
猷之妻唐陳一統之妻李景暉吉之妻覃蒲錫恩之妻

何德峻之妻李何德倫之妻楊謝位賢之妻李傅光和之妻何張懋芳之妻章姚安貞之妻邱徐宗武之妻邱胡安靜之妻義馮倫賢之妻何張伯春之妻文瞿新奎之妻甘杜肇周之妻胥監生賴貴卿之妻何朱厚輝之妻何丁忠安之妻唐楊榮炳之妻蔣羅玉昆之妻蔣梁世蔭之妻鄭溫景江之妻蔣全純良之妻何謝中敏之妻全胡經席之妻涂萬顯科之妻楊王國槐之妻陳席嗣昌之妻王張知瓊之妻曾何紹科之妻熊何紹儒之妻蔣劉達明之妻熊王家紹之妻張顏吉盛之妻李陳能用之妻劉康文煥之妻周吉應綸之妻黃河嗣盛之妻周周義滔之妻羅唐瑞

芳之妻嚴子慶光妻余呂安福之妻王周明京之妻黃周
存恕之妻唐盧文涵之妻楊唐明浩之妻張查明典之妻
鄧李忠之妻劉王錫純之妻汪楊心地之妻張呂鳴珏之
妻劉其地鳴瑤之妻李何有賓之妻甘何有典之妻胡何
緒書之妻陳

現存者何緒書子一垓之婦陳呂鳴璫之妻李武生王興
邦之妻湯周必祿之妻王杜自東之妻宗席季儒之妻朱
周鳳瓊之妻曾韓正炘之次妻楊吉先玳之妻李蕭永錫
之妻陳李其華之妻彭陳正海之妻蕭江永楨之妻楊何
澤濟之妻王石世德之妻陳張有信之妻杜文生王豁軒

之妻馬王德謙之妻余何秀蘊之妻江鄧繼高之妻何張
相朝之妻朱陳清煜之妻李王德厚之妻唐曹範榜之妻
王銀和璧之妻向陳清翊之妻何丁榮德之妻蔡周肇培
之妻唐周肇典之妻米蔣興隆之妻謝唐紹昌之妻田李
天軫之妻石李中仕之妻周陳李平之妻鄭宋心邦之妻
侯梁廷璧之妻楊劉國科之妻梁敬德儀之妻梁梁廷陞
之妻蒲梁廷川之妻劉梁世卓之妻張梁廷瑞之妻鄭陳
興孝之妻滕龔祖訓之妻曹楊國秀之妻何戴驥遠之妻
楊姚國政之妻陳朱柱基之妻徐戴德澤之妻王陳惠麟
之妻鍾劉紹邦之妻郭田上甲之妻陳王正孝之妻徐謝

顯名之妻蔣朱忠興之妻王吳立常之妻李李隆銓之妻
楊程孔志之妻錢蔣一澂之妻李匡定貴之妻蔣唐朝儀
之妻蔣凌興仁之妻蔣張永長之妻馮唐永樑之妻張李
大開之妻宋杜表東之妻獨何紹甲之妻趙鍾昌餘之妻
何黃學校之妻向漆太盛之妻李蔣榮映之妻謝蒲應瑞
之妻何楊紹德之妻劉熊寶祥之妻彭熊翼國之妻黃但
安傳之妻范譚開會之妻劉譚景馥之妻唐羅景大之妻
楊梁澤遙之妻蔣楊秀培之妻李羅景榮之妻楊伍昌延
之妻劉蔣一通之妻晏王中吉之妻彭丁中吉之妻胡蔣
道貴之妻李洪三喜之妻唐李中臺之妻王葉本源之妻

李蔣子譜之妻劉蔣明珍之妻劉蔣龍光之妻孫唐慶平
之妻陸劉光廷之妻蔡張觀科之妻譚劉書魁之妻沈楊
明蛟之妻張楊賦高之妻邱陳釗典之妻周匡良諫之妻
陳彭紹偉之妻何王宏春之妻劉文生蔣功炳之妻張廖
裕槐之妻李武定元之妻徐蔣元義之妻謝蒲成身之妻
陳楊正性之妻蕭楊正昶之妻何蔣宗珍之妻楊監生吳
大康之妻段張祖道之妻周李大祿之妻陳唐人暲之妻
羅張德盛之妻余何亦然之妻聶王長釗之妻賴刑部主
事蒲預麟之妻陳張興仁之妻蒲全成修之妻王王三達
之妻張胡正勤之妻范陳紹祖之妻劉陳念銳之妻敬胡

相植之妻康田新舉之妻楊田永亮之妻姚楊榮亮之妻
戚甘仲芬之妻文張正林之繼妻文蒲文訓之妻青劉良
厚之妻何楊心坦之妻吳唐孝義之妻許張明遠之妻何
李明寬之妻劉王廷璽之妻陳陳世錫之妻張姜大炳之
妻青鍾承念之妾陳鄧祖修之妻楊鄧有信之妻朱曾傳
福之妻何艾正興之妻何李仕貴之妻羅黃時富之妻張
黃時榮之妻任席光琅之妻文陳顯瑞之妻周劉達海之
妻張周志武之妻蔣何毓連之妻彭郭尊周之妻李屈廷
卿之妻周楊公之妻唐周肇鮮之妻蕭陳世斌之妻李劉
修達之妻陳嚴登道之妻王何德才之妻姚劉清譜之妻

蔣周性詡之妻蕭周自龍之妻劉陳遠昌之妻周楊映久之妻溫唐明曙之妻余張復陶之妻盧王澤煦之妻何李上陞之妻周楊國玖之妻景唐榮德之妻陳李時順之妻王李時暢之妻張武舉劉大序之妻周黃時際之妻胥蔣興福之妻陳羅明位之繼妻彭向明貴之妻吳雷道涵之妻彭熊兆吉之妻蕭鍾定江之妻漆周洪順之妻陳王德耀之妻邱龐純杰之妻巫李光耀之妻江朱厚齡之妻唐黃明喜之妾趙龐純寬之妻王唐大維之妻何劉彩珍之妻邱其弟彩珠之妻彭彭德亨之妻何其子宗保之婦嚴廖天一之妻張其子子儀之婦張朱甯基之妻覃其子鍾

吉之婦楊梁星耀之妻譚其子順德之妻陳孫婦段陳尙
珍之妻楊者其祖姑姑先以節 旌前所謂裔恪之妻祚
鍾之婦以三世節孝著稱於文井塲者也

節者人之常守得乎此非溢榮失乎此則不可以爲人古
所謂賢媛著其行事必有合于仁義忠孝之端我

朝之所旌亦以節孝兼全阨窮堪憫爲斷而考于簿書有
所謂事實冊者類皆妄庸胥史據所習而書之其有高行
弗能傳也其有濫廁莫由辯也徒成乎今之所謂節而已
以云勵俗蓋猶有所宜修焉夫節者人之常守也蓋言德
也非言業也君子觀于織紉烹飪成諸男工貨諸列肆而

知婦職之不盡修焉觀于阿保不設而知婦教之軌焉有志斯世之士常言之矣海內有人四萬萬而婦半之皆無所益于天下者也此今之婦非古之婦也男女效績愆則有辟成周以是興焉而一時之婦德咏于二南千古之流風傳爲六藝是知德之進必本乎業之修也而豈曰婦無公事也哉請以質之有志于婦教者

右節

未婚之女禮旣未備恩亦未孚禮經云取女有吉日女死婿齊衰而弔旣厝而除之夫死亦如之旣不加以三年之服自不責以從一之義又云女未廟見而死歸厝于女氏之黨示未成婦也夫未廟見尙不得謂之成婦况許嫁而

未適者尤不能以婦道律之故婦有再適之嫌而女無改
字之譏所以體人情而厚其別也然女聞婚故自矢不嫁
者君子亦憫其志故例附于節婦亦准請旌又有特旨加
恩旌表毋庸拘常例年限者此部臣之疏言也竊維孔子
不得中道則思狂狷賢者之過乎禮不猶愈于不肖之不
及乎齊不祿嬰兒子而鄰國尤之 皇朝旌庶女之貞而
天下化焉於以見名教足以爲治而性善之說不誣也爰
依令甲采輯貞烈之行附於節孝之後

屈四姑字周見龍未婚周遠適陝西以貧不能歸貽書俾
早別締四姑時年二十二堅執不貳之節以待之已而阻

亂不相聞遂奉母服勞以終年七十二道光二十三年也
梁如筠許字周懷初未婚懷初卒如筠縞素臨之遂留居
終年四十六

吳三姑幼字唐虞書未婚虞書沒父母秘其赴三姑久而
後知以過門守禮請父母美其志而不之聽乃心喪守志
終于家垂六十年年七十六終

丁善英字周性孝性孝逃亡不歸兩姓議離婚善英誓死
無改歸于周晚依父家紡紉自給

李芳來之聘妻易未婚夫沒過門守貞時年十八其姑秦
亦節婦姑婦相依績紡爲生旣送姑終數年卒年四十

柏貞女夏光儀之聘妻也同治六年光儀卒貞女聞赴欲奔喪守志父玉封慮其難力阻之女在家持服矢志不貳逾四年乃克詣夫家事翁姑盡誠賢聲遍族黨撫夫弟子明續爲嗣縣請于大府題其門曰保貞完孝

王秀豐之聘妻劉玉秀未婚夫没年十四縞素過門進則孝重闈退則含悽不怡越五年終

郭鳳英幼字呂元品咸豐二年元品卒鳳英時年十九父母憫其少欲嫁之鳳英曰不配二夫烈女之至也敢以死誓乃于十一月二十日適呂氏而守志焉越四年卒知縣蔣若采儒吏也弔之以詩

駱鳳英蔣恆遜之聘妻也奔恆遜之喪矢志守貞事姑甚得婦道家人以其少欲嫁之鳳英投繯者三勿頸者一皆遇救得不死後以姑疾篤割臂毀面取肉烹進之而疾頓愈增生楊之大述其懿行鐫表于西郭之達

陳素貞幼字楊世千未婚夫沒聞赴剪髮毀容誓不貳守貞于家年六十三卒

皮氏字于聶未歸而夫卒氏聞翁姑老病且貧誓歸養夫之族祖金魁以名教自任者也爲釀金取贏以供菽水克成其志

趙桂仙幼字陳清晰清晰十六而殤桂仙誓守貞今歷三

十三載

趙大勳之聘妻陳七瑛未婚夫沒時年十八聞赴堅請奔喪父母不能奪馳介白其舅以禮迎歸事祖姑陳以孝聞得舅姑歡積十年以光緒十四年卒

周自昕之聘妻梁年十七聞自昕赴涕泣奔喪遂留守志孝翁姑和娣姒閱二年夫兄舉子成特撫繼之又十八年卒鹽大使沈賢修榜其門曰貞松勁節

周肇歲之聘妻劉玉貞未婚夫沒欲殉不獲乃過門奉翁姑動遵禮法時年十八至三十二卒

鍾筠姑父永治早卒母譚節婦也筠姑許字蒲世哲同治

十三年九月二十九日仕哲卒筠姑被阻不得奔喪遂絕粒祖及母許行其志將爲諏吉筠姑曰十月初十日萬壽期也何吉如之縣丞吉陞聞而高其義及期以輿衛親送之旣謁舅姑成服衰毀卽日撫夫兄子代宣爲嗣筠姑時年十九奉重闈得其懽心訓嗣子以義方迄於今二十有二年矣

劉松秀許字魏大名未婚大名卒松秀年十九矢志不貳過門奉翁姑撫猶子承夫祀現年四十知縣宋家蒸題其門曰安貞之吉

廖叔貞父裕槐早卒母李守節撫成之許字黃吉昶未婚

而吉昶卒淑貞時年十八聞赴毀瘠謂母曰母以冰霜勵節女聞教之日久矣今願適夫家成服守貞撫子以續禋祀母嘉之乃集三族定議淑貞破指醮血書巾送夫家達守貞之懷又截髮以明志旣乃素車縞服以歸祭奠如禮撫夫兄子昌達以承祀時光緒十有九年十一月十七日也

韓彩鸞儒家女父緒奎早卒依兄嫂居字蒲得鏞已納吉而得鏞病卒彩鸞聞赴哀毀骨立誓以身殉家人百端譬曉之不釋許以過門守貞乃稍慰兄未敢信其必能也一日集族親皆欵語慰藉見女默然乃言改聘事女遽曰前

日見許兄嫂其欺余耶遂絕食歷數日兄知其志篤乃定守貞之議知縣蔡承雲嘉女之行遣隸導之紳耆皆集送以適於蒲行婦禮焉時光緒二十有一年也

苟香珠幼慧能讀列女傳通大義字匡定姦將歸定姦卒見阻不得臨喪欲爲他締而堅矢不貳久乃得致奠于匡遂不返奉舅姑盡誠已而以母病召之乃甯而見留閉門誦佛積五年一夕以所有遺諸弟嚮晨逝光緒二十三年三月也

黃轉第許字羅富厚未婚光緒十一年正月富厚沒轉第聞赴請過門守貞父汝林以婿家貧女少恐弗克終阻之

已而別受何氏子之聘三月初十日轉第聞之是夜自經
知縣饒榆齡予之匾而題其後曰昔元李君焦妻黃氏夫
病卒謂眾曰夫婦死同穴義也撫棺一慟嘔血死連柩夥
葬顧彼生既同衾死則同穴義緣情起夫何言今烈女亦
黃姓字夫羅未婚而守義捐軀瞻彼前徽迴乎尚矣余忝
宰斯土實主風化亟旌之以爲鄉里勸

張自武之妻楊未婚童養于夫家甫數月夫遠出未歸姑
以饑寒強命易節屢受鞭撲不從慮不自全投巖死時年
十六

河邊場嚴三姑亦童養于胡氏姑有逸行既成婚欲以所

爲強三姑違則虐遇之三姑恐終不免飲藥死事與此畧同

曾傳爨之妻唐居石板灘年二十六而夫沒宗黨慰之曰家無立錐毋自苦也不應痛哭三日嘔血終論曰行之至者固不可懸一格以相期乎世所謂烈類皆自裁以殉慷慨于一決者耳固已播風謠銘綽楔以爲難能而可貴矣况一慟捐生長悲之死者哉此其爲烈實遠過于刎脰鉅肝結纆引鳩而人不能舉其高義上諸輜軒使輕生傷勇之倫得以常擅稱美也吾故亟表之俾世之勇于赴義者有所取則而勿以非正命者自處焉同時有夏光斗之妻

蔣其父仁山增生也居東鄉岳家壩旣字光斗生財七年
父早世遂童養于婿家讀書通曉大義歷十三載未婚而
婿卒幽憤成疾曲慰之不得後光斗月餘終年十九翁獻
廷悼其貞烈丐遂甯舉人夏璜爲墓銘立孫奉祀事在光
緒十九年璜之銘曰俗殤無祧祧藉貞傳祧傳心慰死猶
生年嗚呼丈夫而偷息多矣誰似此之重于泰山也
右諸媛執不貳之節生死以之或守志終身而絕世于以
續或實躬赴義而四維于以張巾幗也而有大丈夫之風
矣若夫顛沛猝逢不取生而害義甘就死以存仁可謂壯
烈聞其風者頑廉而懦立矣拾遺舉墜並著于篇

錢菊林王子縣西走馬窰錢汝吉之二女也寇至不辱投江著烈見前志金石篇

蒲定姑順治舉人拱辰女也甫笄值獻賊之擾父欲攜以避定姑曰適爲父累也父當遠行兒當全節賊至自縊死李閏己貞姑皆宿儒心文之女教匪擾境逼之同行皆極口罵之閏己被殺于青岡灣至死罵不絕口貞姑投巖而殞時稱雙烈

彭廷鳳之妻仇其子維材負之以避賊于常樂場賊至欲執其子仇罵之賊怒手兵而追乃投半邊溝溺死賊義之援尸于岸掩以藁賊挾維材去他日家人尋得之色如生

裏糧在懷猶可識

陳官和之聘妻李四姑年十七被賊縛去欲污之不從至老戒河女給曰釋縛吾從汝賊釋之驟自擲于河賊怒以矛隨刺之斃其兄弟遙見之告其父華得而葬之

右四人殺身成仁皆嘉慶五年事時有宿儒李心翰之妻蕭罵不從賊賊斫之身被二十餘創以爲已死去之半日蘇後享年九十有五是時賊氛甚惡東川無甯居婦女畏辱預自沈身者無算賊旣退三月二十七日起積屍于西鄉龍溪之橋下皆已腐不腐者一察之女子也衣密縫如織羣鳥環之而哀鳴瘞諸溪之北山之椒已而示異于人

始知爲德陽民女楊玉貞也立嗣溪畔歲時祀之附以中
江民女劉二姑亦遇賊自沈龍洞橋下而死者嗟乎大浸
稽天陸沈相繼一泓止水蹈死如歸迄今考其聲稱半消
亡于冥邈千古之貞魂毅魄或聲銷碧血或名炳青編其
間固有幸不幸哉唏矣後六十年周九英諸人又以烈著
周九英者廩生王福星子德謙之聘婦也咸豐十一年從
母避賊射洪至則已不守投涪水死之
李尊玉之妻聶居任隆場避賊于天元寨是年五月十八
日賊何馬蟻攻寨火彈及其屋幾焚聶濡衣沃火數滅之
賊轟以炮而死

丁忠靖之妻王居西鄉長溝夫沒孀居咸豐十年避賊于蓬萊鎮牌坊溝之石穴九月十六日賊大至知穴有人欲出之熏以煙王氏不出而罵遂熏死

右貞烈

其他著稱于鄉里者奚世密之妻張氏以姑沒常先乳小郎俾飫而後乳其子 唐生柏妻鄧氏節婦也年二十五而孀事舅姑以孝聞生柏有弟五而身爲世父繼于俗當受祖產之半鄧辭而受六之一與諸小郎均 杜肇周妻徐氏家貧苦節恃女工爲生終身蔬食未嘗拜佛入寺 蕭德富妻米氏明敏淑愷夫年四十無子氏以置勝請不許請于翁亦不許倩族親敦勸而後得之乃自私積財以

致知己而有子夫婦無私貨著在禮經然反經合義春秋
許之世豈無以媚嫉而斬夫祀者乎則米氏之行固可風
矣 曾元漳妻劉氏事姑李好施年八十餘猶以紡績所
得贖親施貧乏子傳相妻謝氏亦以賢孝儀範鄉里 陳
才昭妻張氏喜施予宗女子待以婚嫁族親待以衣食者
甚眾 張昌言繼妻陳氏樂善不倦 梁正全妻王氏能
助夫施濟 何承德妻鄧氏佐夫設肉肆于河邊場有市
肉而遺小緘者久乃見之啟視則銀也置而待之俄頃客
貿然返蒼黃如有所覓問之失銀緘物色而信卽舉畀之

右軼事

蓬溪縣續志第十一

襪祥

金穰木饑歲之常也風雷雨雪寒暑之常也何異焉春秋之著災祥或詳或畧師說以爲原夫邦君之心而石隕鷓飛則後儒罕得其解方是時宋公不自度德而欲繼霸于齊其國人憂之以爲非所幾也石無端隕鷓無端退其實與僞于宋無與焉國之人聞而益憂之以爲是故隕與退也有類于霸圖之不可幾也使宋公能聽民而修其政或以滋大未可知也而何有于圖霸哉君子以爲有合于聽民興國之旨也故書之然則天人之際親民者可不加之

意哉此地志之所以著襪祥與

咸豐元年夏六月二十三日大水

二年夏四月蓬萊鎮麥兩岐秋河邊場禾兩岐

三年大水

五年夏大旱五月知縣馬寶書禱豐澤龍神祠車水于潭
循舊事也

七年春三月二十五日夜大雨雹以震有火發于白角灘
民游明久露薪之積雨大火熾碧燄烈烈雷精之迸也沃
以穢殷隆益厲畏而止乃晨察之薪燼而蛇骨見大如盎
長六尋液脂流注腥聞數里

十年賊擾境民居倉庾多爲燼

同治元年穀貴斗直錢一千七百

三年春夏旱秋大饑米斗值錢二千四百

九年春大旱夏四月二十八日大水

十年夏六月十六日大風屋壞巨木拔秋螟饑米斗直錢千六百冬十月朔大雪行人有凍死者

十一年春乏食撥濟社穀捐輸銀以拯之三月朔雨雹殺菽麥無雹之境大熟麥有雙穎秋大稔稻有雙穗

十二年涪湓天福鎮田禾傷

光緒三年旱民乏食西鄉尤劇

四年春捐賑二月初八日大雨雪壓竹木多折秋雨雹于任隆場縱八里廣五里

五年夏五月地微震

六年夏雨雹于文井場冬十一月鶻嘯

七年旱螟饑玉溪鎮火

九年春旱夏大水秋雨雹于任隆場冬十一月民見有星孛于東南光如晝漸升聲如鳥拂羽入西北而隕聲訇然俄頃地震

十二年西鄉耆儒鍾瑞廷田禾一莖雙穗

十五年秋七月涪鄴溢田廬多損田或澌爲渠

十六年秋七月初二日大水

十八年夏大疫知縣張壽榮令熨臍以藥以療之冬十二月大雪積逾咫嚴寒簷溜爲冰柱

十九年秋大熟

二十二年春正月初二日日晡地微震二月初二日八定復震

二十二年春三月十一日平日日大赤映地皆赤

蓬溪縣續志第十二

兵事

兵者及鋒而用之具也古之時率其農夫以講武于蒐狩
獮苗而馭以司馬之法使之從金鼓習戰陳而禮卽寓于
其中歲四行事焉非其時未有舍禮而言兵者也惟然故
有伏節之死而無犯上之亂三年一治之振旅以耀其出
飲至以樂其歸凡以養其鋒而蓄之銳也曹翹之言曰一
鼓作氣再而衰三而竭臨敵之蓄養不異于平時後之善
言兵者雖有處女脫免之喻未足以逮其精也我

國家以農養兵蓄銳百年戰罔不克又百年而綠營乃漸

弛蓋初制甚良故能若是其持久也于是湘軍起焉二三
儒者獎率農夫作其忠義之氣遂能平大憝奏膚功所謂
及鋒也教練數年而立效轉遜于舊其氣竭矣其鋒挫矣
故淮軍再起而後餘寇胥平得失之由古今一揆理昭昭
也蓬溪汎制兵見于前志者額設戰守兵三十三名今諮
于汎自康熙二十三年始設兼防西充而上統于川北鎮
帶兵二十八名操防緝捕護解往來其常守也道光十四
年撥三名于峩邊營光緒十三年二十一年各奉文裁一
成現除臺藏換防實存兵十六名常撥駐城外底塘及圓
覺塘龍家塘杜家塘各一人以遞營中公文汎署設稿房

字識一名此常制也當光緒二十二年甘肅有回亂四川爲近鄰有戒心憲院檄屬選民丁就地籌贍而教之練習所謂以團養練者也蓬溪中縣于定章宜養六十人故中東西鄉各選民丁二十建營房于跪象山州處而教練之庀費于富民逾年鄰疆旣平憲院不欲民之玩兵以挫其鋒也遂裁之舉措以時政之上者也其彼他境有以丁宜常練爲請者然民團其所固有不荒素業其心恆不廢力作其習勤不聚塵市無奇行不事征繕不病民修其孝弟彊無形相友相助常睦親可使制梃撻利兵能安乎內外

自甯

右兵制

余始蒞蓬溪卽聞前知縣李燧有將略保境禦寇功爲高而士民亦能共竭心力以底成功慕其徽猷思爲著錄不刊以示于後時遐事湮語弗能詳良用咨惜檢尋塵牘得用兵條教數則皆燧與其幕友張晉手自屬草爲多與夫民團來告戰守事蹟都爲一卷猶可悉兵事始卒自餘韜鈐之用規畫之詳聞已攜存于家不可求矣夫始之言兵或詳或略亦各識所聞而擇其要耳豈必鉅細不遺也哉卮言所及而人事著焉地利彰焉以爲後世千城吾民之師資可也方修縣志用輯之附以厥類以續前志武功之

篇

嘉慶五年春邪匪張子聰敗于參贊德侯三月二十二日
自北竄蓬萊鎮參贊追勦之于參口崖大敗之陣斬級數
千賊狂奔河邊場肆殺擄明日南竄樂至以參贊追討疾
力也咸豐十年八月雲南賊藍大順朱甲謝乙擾遂甯境
張五麻子自中江胖子店竄距蓬萊鎮毀丞居而拜前丞
靈壽去思之碑民保于寶蓋海印山知縣祝濂示諭縣民
捐資練丁扼守涪岸無何濂撤任豫鼎代之以九月初六
日至初九日張五麻子竄河邊場沿塗熏崖穴索避者裒
脅逾萬進從諸賊圍遂甯豫鼎挪用公款銀三千九百餘
兩加學田濟田壓租錢三千七百餘緡以備防勦令楊永

休率勇堵禦于大榆渡女兒碑令友生陳鏞募蓬飛勇五百人亦以防涪遂甯乞師鏞往助之守戰死者十餘人十
二月初九日賊猶圍遂甯餘黨沿涪北渡恣劫掠是時縣
境鹽暢銷而民富傾資以葺寨堡繕丁壯聞警咸保于寨
而委其室居杭稻盈庾牛羊鷄豚布野皆以遺賊所至居
處而饜飫去則捆載而藝其餘塞井毀竈決去田水過輒
爲焦土河邊場石堡井民蔣子漢陳大荷包唐甘劉公三
十二男子避難三臺之小觀音橋土人任開月開環誣執
之鍾端廷馳書救之已殺十八人餘得免月環以得讞報
于偏師之駐府者獎之以功牌十三人賊有由梓潼鎮洗

布塘渡涪掠及太和場之雷伍坪場之婦女避于寨而丁壯保三堆山十七日賊有由合州金仙塘偷渡涪民協力堵禦多死傷不能支賊遂踞太和場肆焚掠尋復渡以去本境奸人乘亂掠奪二十二日賊千餘人逼康家渡之青龍寨寨首朱英冉正席率丁堵勦奪賊旗招降百餘人二十五日賊有由過軍渡渡涪焚掠于高坪鎮之倒馬坎石家徐家楊家馬家湯家鳳奇諸溝陶孔壩長溝陳家溝南溪寺由麀子壩渡者掠于米心溪而去由西鄉渡者環攻天福鎮之玉屏寨奮勇劉代銘禦之殺賊五十餘人戰死者數人先是大田壩人陳鐵牛率黨二百餘人潛出境投

賊右營渠魁歐人言已設內應于縣城約其合夥來攻鐵牛尋暗逐家小以往是月鐵牛引賊渡涪踞鐵板橋蕭姓家敗于同心團保正李中和逾月移踞古溪塲未幾南竄去大府以候補知縣李燧知兵委令幫籌蓬溪軍事甫五日復委署縣印時歲除矣燧久歷戎行號能兵又約陽湖張晉爲幕賓與俱皆洞知賊情僞乃先聲後實昇巨鞞以隨聲言請得厚糒募大師行至十一年正月初六日馳蒞首告諭縣民言部署城守事宜竣及會行營進勦燧字潔泉所募士皆爲潔勇與縣勇民團分屯于跪象山于月琴山于塔子山之前後于鷺峯山于保城山以護城且俟徵

調穿井城中下通于逢水亦曰潔泉井以備渴且虞變諭
民圍教練無怠戰守相應援令司察賊如至境速飛報當
自迎擊之派軍功馬慶福率潔勇縣勇協團屯滴水崖以
守捉偷運火藥之賊以天保寨近賊派健役數探之示守
堞護城勇團各居其所加意防範無譁乃相機自出擊賊
輒摧之又札廩生王福星職員胡紹虞鹽廠鄉約余洪林
率團勇隨偏師帥楊重雅援遂甯初十日賊數千逼青龍
寨朱英擊之捷十六日賊又掠玉屏寨下劉代銘姚凌雲
擊敗之奪回穀米九十二石二十九日賊數萬圍寨連營
十七座斷水道期必下代銘夜繼出請援于得勝天成文

武信義雷蔭諸塞二月初二日糾率奮勇千三百七十二人至力戰斃賊多人初四日復戰而捷眾寡究不敵乃復糾合軍功任一森率勇百順天寨梁世超率勇三百餘師子山蔣恒守蔣恒拔捐資所募勇千餘周一川率之茗峯寺王恩官率勇二百餘全五成率勇五十二王柏堂率勇二百四十軍功張海山率勇九十餘夫子寨何宗沛率勇三百觀音寨蔣世旺率勇百龍會寨王朝彥率勇二百忠臣寨吳通昶率勇八十既厚集兵力乃于初七日併力進勦殺賊七十餘奪大炮三會暮乃已次晨寨中武生鞠國家姚凌雲龍瑞廷率勇馳下以攻賊之東營任一森梁世

超周一川率各寨勇攻其西南北奮勇唐承家亦率寨丁
攻別屯賊于劉家河皆大捷賊潰去李燧使把總楊清傳
集如意寨丁壯從郭委員援遂甯方需後命于寨二月之
初二三四日藍大順率賊二萬餘焚掠于上游之洋滔溪
青堤渡擄糧八十餘艘順流至寨前清傳率寨丁二百餘
人駕舟截擊殺紅衣老賊百餘雜衣賊二百餘擒老賊四
問知藍大順豔妻亦伏誅大順鳧泳以免奪得藍字朱字
大旗餘器械無算賊以馬牛馱運經寨前清傳復敗之寨
丁張鑑力戰死李燧得報督附近團寨連防協勦自正月
以來賊由遂甯屢犯大石橋界牌燧輒躬臨擊走之又招

降夏三春及其徒三百人皆爲潔勇賊旣數挫于蓬溪又圍攻遂甯久不下冀一逞以洩忿乃解圍而北初九日入境絡繹于道唐國慶擊之于明水舖朱英擊之于青龍寨下任炳忠禦之于八仙橋力戰死賊犯大石橋明月場侵及姚家坪欲窺縣城燧方走檄調援旅于各團賊已由胡盧頸石牛廟迫近郊十五日燧督勇分路截擊賊大挫乃自大榆渡青堤渡西竄十九日破太和鎮二十一日破躬洪遂圍府城圍綿州成都戒嚴郭門晝闔駱文忠公統三軍張撻伐而後川民復甯其後賊彭楊復由樂至敗竄而北擾及蓬萊鎮張五麻子分股擾及明月場民團皆

擊却之四月初一日賊何螞蟻擾及河邊場信宿遁時論
惜燧任小力薄不克盡其用纔保障一縣而已妖僧陳和
尙者不知所自來以邪幻誘惑鄉愚同治十一年冬十一
月初十日夜糾黨百餘人作亂於河邊場之觀音寨焚殺
裏脅至於石馬溝眾倍其初竄擾遂甯之涼風埡其圍堵
擊立平之焚名籍保全數千人是僧也搆變倉卒恃鄰疆
有備虺弗爲蛇君子之惡夫異端有以也夫禍患恒發于
忽微宜勿忘前車之鑒矣

右兵事

東洋通記

卷三

七十三

一十一

蓬溪縣續志第十三

塋墓

蕞爾邑與宇宙共爲久長焉三十年爲世人之遞嬗莫能更僕數矣如堂如祭閱千秋而不與平蕪俱化者幾何哉古之人知之矣齊有東郭晉有九原塋必聚焉求其可長保也訪于淄絳其果巍然如昔也乎其不能也則亦無如之何也繫盡吾心焉無與爲保者保之無與爲塋者塋之塋必聚焉保則隨所在而已亦無如之何也縣境古墓在涪西之走馬窰者已見前志白土壩有蕭齊信州都督冉道周及妻南康公主之墓勅葬于巴興玉壘鎮者也太平

塲鐵板橋昔爲龍會鎮有宋趙圭墓在蕭姓宅後光緒九年牧人誤毀之得石銘其文云有宋潔士姓趙名圭飢餐
岷蕨醉卧雲溪道遵孔孟節慕夷齊碣石不朽金銘刻題
訟于縣納其石而封之圭不知何許人意遺老之入元而
終者乎大堰塲飛鳳山北二里有師相邨者前明提督譚
子謙墓在焉墓前翁仲石馬猶有存者我

朝乾隆元年知縣王允浩捐置西廟埡山地一幅以作義
阡道光二十七年徐楊文保捐俸續置可葬四千冢與前
接壤文保自爲記略云生齒繁則生計蹙繕塋墓者雖多
轉溝壑者不少故叢葬以安之而貢生何斗山勸其成更

屬望于繼其後者之推廣焉同治五年潘先珍捐募更置
城北斑竹林城南磨刀溪各山地一所既廣叢葬之需又
佃于民歲取租錢製綿衣以授寒者其後顧懷壬置地一
段在光緒五年胡年宋家蒸增置之明年縣紳劉興蓬興
遠又捐置焉十九年二十一年知縣何作照蔡承雲皆有
所置不言地名者盡西廟埡也斑竹林地價錢千三百八
十緡取押三百緡歲租四十二緡磨刀溪地價錢千四百
四十緡取押六百緡歲租二十五緡劉興蓬等捐置地價
錢千三百緡取押五百五十緡歲租三十二緡宋家蒸所
置地價錢五百五十四緡取押四百七十緡歲租四緡何

作照所置地價錢百五十緡蔡承雲所置地價錢二百六十緡取押四十緡歲租四緡委紳司之隨時掩覆之資租不足取于土藥官平是曰義阡會文井場別有廣濟會義冢有楊卓然所為記別見



封 底